

274 26/P 19
DISSERTATIO
INAUGURALIS MEDICA
DE
SUBMERSIS ET SUSPENSIS.

QUAM
AUTHORITATE ET CONSENSU
SALUBERRIMÆ FACULTATIS MEDICÆ COLONIENSIS
SUB DECANATU

PRÆNOBILIS, EXPERTISSIMI AC CELEBERRIMI
DOMINI

D. JOANNIS GEORGII
MENN,

Philosophiæ & Medicinæ Doctoris, Institutionum
Professoris Publici & Ordinarii, Facultatis Medicæ
Primarii ac Promotoris perpetui

PRO GRADU LICENTIÆ

DEFENDET

PHILIPPUS JACOBUS D'HAME
DIEKIRCHIUS,

Perinsignis Collegiatae Ecclesiæ Sanctorum Apostolorum
VICARIUS.

DIE XXII DECEMBRIS MDCCLXXIV.

Manè horâ 10ma. in Aula Theologica



P R Æ F A T I O.



*R*heni fluvius, Civitatis situs, navium mer-
 catorialium undecunque affluxus hanc de
 submersis materiam præ omni aliâ pro dis-
 sertatione inaugurali me eligere fecerunt, ju-
 dicavi etenim, sic & Rei publicæ Litterariæ & Civili me
 jucundum & utilem exhibiturum. Prima, quia sic clarius
 innotescet, quomodo jam tum in variis huc pertinentibus
 questionibus Medicis, æque ac casibus criminalibus aliter
 judicetur, quam olim judicatum fuit. Secunda, cum sic
 methodus æque ac remedia uberius propalentur, quibus sub-
 mersorum vita minima in activam & perfectam iterum
 commutari, sicque bono publico sui cives restitui possint,
 qui alias certo certius huic erepti mansissent, quid autem
 bono publico utilius, quam videre quasi renasci suos per-
 ditos

ditos concives; & quid mihi jucundius obvenire posset, quam hoc saluberrimum ac maxime charitativum opus aliquantis per promovisse, ac indicasse, quomodo in variis occasionibus medico-legalibus sentiendum esse ratio & experientia postulent. Propter connexionem materia in compendio addidi, quidquid de suspensis huc referri posset, addidi præterea corollaria Rei herbaria uti & alia varii argumenti, ut sic pluribus Medicina partibus tribuerem aliquid, nec eam partem prætermitterem, quæ in hac nostra Universitate Clerico ad docendum est assignata, insimulque pateat, quod aliud sit vulgariter noscere plantam, vel radicem, & aliud scire Botanicen, quæ ultima tanta utilitatis est, ut in Medicina saltem secundum mereatur Locum; etenim si Studium Medicum optime in cognitionem morborum, & in cognitionem Medicamentorum dispendatur, Botanice autem ex amplissimo suo Regno vegetabili maximam partem medicamentorum porrigat, hacque propter simplicitatem & faciliorem in corpore humano assimilationem præ omnibus aliis prerogativam sibi vindicent, hinc dubio non erit Locus, quem post Anatomen, cognitioni morborum primario interservientem, Botanice sibi postulet Locum.

Cum igitur in hac nostra Universitate scientiis & bonis artibus tot & tanti Fautores & Promotores in præsens obveniant, ipsaque, studii præprimis Medici, incrementa ab
opti-



optimis hujus REIPUBLICÆ PATRIBUS inter pu-
blicarum Curarum precipuas censerì videantur, prout in-
ter alia ad hodierni Limatioris gustus normam innovata
testatur Anatome, cujus theatri restauratio, ceteraque
dispositiones sapientissima spe, votis, & expectatione om-
nium evasere majores. Cui itaque feliciora Rei Herbarie
incrementa sperare non licebit? felix patria fertilitas in-
numerosissimis plantis Indigenis, Rheni fluvius pro acqui-
rendis Exoticis, aëris temperies in conservandis his omni-
bus hortum hic Loci spondent Botanicum, qui omnibus in
germania palmam saltem reddet dubiam, utinam itaque
in hoc Atheneo Coloniensi, in quo omnes musæ novam fa-
ciem induere videntur, & hac Botanices musa ad hodierni
genii venustatem compta, iisque stipata adminiculis appa-
reret, quæ huic saluberrimo instituto defecerunt hucusque, &
quibus adeptis sua è Varietate florumserta Corona sibi devin-
ciet omnes, quotquot Musis litarunt unquam, sicque suorum
RESTAURATORUM memoriam ad ultimos posteros
transmitti, Medicina Candidatos legitima & ampliore plan-
tarum cognitione usuque instrui, tandemque cives
& omnes bonos Longævitate beari
faciet.

* * (+) * *

ELENCHUS DE SUBMERSIS.

- §. I. Mortui visi interdum adhuc vivunt.
- §. II. Submersi quamdiu sub aquis vivere possunt ?
- §. III. Vitæ tam diu sub aquis conservatæ causa non est ductus arteriosus apertus.
- §. IV. Neque foramen ovale patulum.
- §. V. Hujus conservationis genuina ponitur causa.
- §. VI. An in animalium submerforum pulmonibus ventriculisve reperitur aqua?
- §. VII. An quoque in hominum ?
- §. VIII. Periculosum erat, olim eos in aquâ periisse credere, in quibus reperiiebatur aqua.
- §. IX. Unde tanta, tot observationum circa aquam in submerforum visceribus, dissonantia ?
- §. X. In veram submerforum mortis causam inquiritur.
- §. XI. Signa, quæ distinguunt in aquâ mortuum, ab alio, alio mortis genere denato, & in aquam projecto.
- §. XII. Signa veræ mortis proponuntur.
- §. XIII. Remedia submersis resuscitandis apta scribuntur.
- §. XIV. Varia afferuntur salutaria edicta, intuitu auxiliorum in submersis adhibendorum, data.

DE SUSPENSIS DECLARABIT DEFENDENS

- I. Phænomena in externis suspensorum partibus observata.
- II. Causas phænomenorum, quæ geritales patiuntur partes.
- III. Phænomena in internis suspensorum partibus, ut sanguine, cerebro, meningibus, retinâ &c. animadversa.
- IV. Conciliationem Auctorum, qui circa mutationes, quæ in cerebri vasis. Alias occurrerunt: alias non occurrerunt, discrepant.
- V. Experimenta de arteriarum carotidum, nervorum recurrentium, truncorum paris vagi, venarum jugularium, ex-& internarum ligaturâ.
- VI. Communem de suspensorum morte opinionem rejiciet.
- VII. Genuinam suspensorum mortis causam dabit.
- VIII. Auxilia, suspensis ferenda, proponet.
- IX. Enarrabit ea, quæ servati suspensi retulerant.
- X. Exponet an spuma circa os, omnem spem adimat, servandi suspensum.
- XI. Describet signa, per quæ distinguitur is, qui vivus suspensus est, ab alio prius mortuo, dein suspensio.
- XII. Quomodo distinguantur SUICIDIUM & HOMICIDIUM in eo casu, quo dubitatur, an aliquis se ipsum suspenderit, vel an ab alio, dein an decumbens vel elevatus laqueo suffocatus fuerit? docebit.

Accedunt

Corollaria rei Herbariæ

————— varii Argumenti.



§. I.



critter intendendus animus , dēspiciendumque primo , num aquā submersi, inque suffocationis periculo constituti , vivere aliquamdiu sub aquā possint ? & quamdiu ? vitam aliquamdiu sub aquā manere superstitem , ipsi suffocati , vitali motu , atque ipsā adeo vitā , vulgi iudicio destituti , deinceps reviviscentes testantur. vid. §. 2.

Nec obstat , illos haud sub aquis respirare , videmus enim etiam extra aquam respirationem aliquando cessare vitā superstitē , aut saltem non prorsus extinctā , profecto animalia in Machina Boyleana post aëris exantilationem , omni vitali motu , ipsāque respiratione orbantur. Quis vero ista prorsus mortua dicet , aut sine respiratione vixisse negabit ? ex eventu enim constat (a) reddito hisce animalibus aëre , excitari de integro pristinos ac vitales motus , spemque resumendæ vitæ non fuisse nullam. Idem certe credidisse videtur *Illustrissimus Archiater Swietenius* , dum (b) ait : *pulsus & respiratio sunt signa externa vitæ.*

Suffocatos vivere adhuc interdum testatur egregiæ in rebus Medico-legalibus auctoritatis vir *Paulus Zachias* (c) *omnibus hisce , qui aliquot ex commemoratis modis* (locutus prius fuerat de iis , qui sub ruinis oppressi , aquā submersi , incendio extincti , a putridis vaporibus & exhalationibus suffocati , apoplectici , peste sublati , fulmine icti sunt) *suffocantur , id commune est , quod aliquando ob interceptam totaliter , ut videtur , respirationem , mortui appareant , ac pro mortuis aliquando efferantur , ac tumulo etiam demandentur , cum tamen verè adhuc spirent , & vivant , & aptis remediis adjuvi interdum reviviscant.*

A

§. 2.

(a) Beckerus de submers. morte sine potâ aquâ. (b) In comment. ad aph. Boerh. Tom. 1. pag. 2. (c) In quæst. med. legal, lib. 5. tit. 2. quæst. 12. pag. 364.

§. II.

Adducta argumenta generatim suffocatos spectant, ipsam nunc rem, de quâ agitur, penitus penetremus, ad submersos specialiter animum directuri: sic legitur in actorum Cæsareæ naturæ curiosiorum Academiae volumine VII. (d) *ex cauti Medici Vratislaviensis Kundmanni* observatione, duos, quorum caput, alterius ferme *quadrantem*, alterius ferme *dimidium horæ* sub aquâ fluminis demersum fuerat, per auxilia non ita exquisita brevi tempore fuisse excitatos. Similibus exemplis adductus *Romanus Medicus Zachias*, dum de submersi & post horam è flumine exempti, atque post quatuor subsequentes horas ad se redeuntis juvenis restitutione, ut dicebatur, miraculosâ ageretur, fidenter scripsit. (e) *Certum esse debere, non modo hoc miraculosum non esse, sed neque inter ea eventa connumerandum, quæ multam admirationem audientibus excitare consueverunt.*

Neque obstupefcent, qui *Cl. Langbansii* Epistolam (f) Gœttingæ editam 1748 legent, ubi homo *per dimidium circiter diem* submersus, ut nullum prorsus esset vitæ superstitis signum, brevi pristinam recuperavit vitam.

Mirabuntur magis observationem *Alexand. Benedicti* (g) qui aliquos aquâ submersos *post quadraginta octo horas* revixisse in scriptis reliquit. Imo supra *laudatus fide dignus Zachias* inquit (h) patet alios permultos non post horam tantum, ut ille juvenis, sed etiam post diem integrum, imo etiam post triduum, cum in aquis vel alia ratione suffocati essent, revixisse.

Pechlino, qui in tractatu *de vitâ sub aquâ*, exemplum adducit juvenis hominis quadraginta duos dies sub aquis submersi, septimâ demum hebdomade extracti, & postea tamen ad vitam reducti, adeo facile fides non adhibebitur.

§. III.

Si itaque post *triduum* anima organico corpori nexa manere queat sub aquis, absque quod organorum functiones sub sensus nostros cadant, quænam ergo hujusce nexûs mirabilis causa, latet, an forte ductus arteriosus illa via est, per quam vitalis cruor sub aquâ, non salutato pulmone, é dextro cordis sinu in aortam, indeque in reliquas corporis partes propellitur? Si de solis tenellis infantibus quæstio foret, ratio hæc satis probabilis videretur, etenim *Barbæavius* (i) asserit: *quando infans ante primas respirationes sub aquam mergitur, diu potest victitare, nam apertum habet arteriosum canalem*, adductus Boerhaavii textus apprimè quidem facere

vi-

(d) Observat. 124. (e) Ibidem Tom. 3. Consil. 79. n. 11. (f) De causâ à pastu somnolentiæ. (g) Lib. 10. C. 9. de cur. morb. (h) Loco citato. (i) In institut. med. §. 691. *mutatur &c.*

videtur, interim quærendum restat, cur infans post primas respiraciones sub aquam merfus, non posset æque diu victitare, cum arteriosum canalem non tam cito à partu occludi constet? certum enim est ductum arteriosum coalescere quidem citius ovali foramine, ut non male *Riolanus* (k) foramen ovale sæpe, ductum nunquam apertum reperiri dicat. Neque tamen subito clauditur. Altero mense apertum vidit *Verheyen* (l) *Hallerus* (m) aliquando post triduum clausum, alias decimo die perangustum, alias quadragesimo totum apertum reperit. Post annum tamen nunquam, quantum in adversariis, invenit patulum. *Boërhaavius* ergo credidisse videtur & falso quidem, cito post primas respiraciones ductum arteriosum coalescere. Ex dictis itaque corrui suspicio, adutorum submerforum vitam servari superstitem per ductus arteriosi patulam capacitatem, cum constet post annum patulam deprehensam haud fuisse.

§. IV.

Foramen ovale apertum plus efficacis fortassis habet ad impediendam, etiam in hominibus adultis, tam diu suffocationem, quam arteriosus Canalis. Tardius enim clauditur. Incerta quidem fatetur *Hallerus* (n) in foramine lex est. Vidit jam altero à partu die ferme clausum, ut hiatus in suprema parte unice superesset, & quarto die clausum legitur in *Ephemerid. nat. Cur.* (o) Apertum sexto adhuc mense vidit *Licetant* (p) Reperit *Hallerus* (q) fere perpetuo quinto, & septimo anno hoc foramen apertum, ut vix unquam Ceram injectam sustineat. Idem non raro quinto anno perfecte clausum vidit, etsi minime infrequenter, etiam quadragesimo anno, & serias apertum viderit. Inter novendecim adultos duodecies tantum foramen ovale clausum vidit Vir in anatomicis profecto oculatissimus *Baptista Morgagnus* (r). Interim, num foramen apertum Sanguinis circuitum talem, qualem vita, etiam minima exigit, per notabile adeo temporis spatium (vid. §. 2.) sustinere queat, merito dubitatur. *Boërhaavius* (s) credidit, eos, quibus foramen ovale apertum fuerit, posse sub aquis perdurare, ac testudinis in modum respirare, quæ extra aquam per pulmones respirat, sub aquis vero, dum degit, Sanguis per foramen atque ductum transit.

Verum capta ab aliis experimenta *Boërhaavianæ* sententiæ non respondent. Nam aliquando foramen ovale apertum, neque tamen ideo respirationis minor necessitas fuit. Submersus apud *Littrium* (t) foramen apertum habuit. Alia animalia diu tolerant sub aquis, quibus foramen ovale

(k) De motu cordis pag. 91. (l) II. pag. 347. (m) In notis ad institut. Med. Boërh. §. 691. n. 10. (n) Loco citato. (o) Dec. I. Ann. 6. Obs. 202. (p) Pag. 375. (q) Ibidem. (r) LXV. pag. 28. (s) Loco citato. (t) Hist. de l'Acad. 1700 observ. 13.

non hiat, uti dudum de amphibiiis observat *Needham* (u) dubiosam hanc rem clarius explicabunt, remque totam decernent *Morgagnus* & *Hallerus* hic (w) inquit : *adulti homines , quibus hiat foramen ovale , aut omnes aut certe plerique tantum exiguo tubulo pervium habent , exiguo futurum præsidio.* & (x) *In adultis angusto tubulo patere solet (foramen ovale) qui vix $\frac{1}{20}$ Sanguinis transmittat.* Et licet foraminis illius valvulam in puella viginti annorum in aqua demortua, amplitudine sua illam, quæ in foetu est, insigniter excedentem invenerit *Georg Ræderer*, hanc tamen aperturam submerforum haud avertere suffocationem testatus est (y) iste (z) postquam capta pluribus in scilibus recens natis experimenta proposuit, in hæc verba erumpit : *ex cunctis propositis observationibus , inter se comparatis , id primum liquet , non multum denique opis ab aperto non modo foramine ovali , sed & tubulo arterioso expectandum esse ad suffocationem effugiendam.*

§. V.

Nec ductum arteriosum apertum (§. 3.) nec patulum foramen ovale (§. 4.) silentem animam sub aquis fovere posse , satis ex dictis patet. è naturalibus vero causis eam tam diu retinentibus , vera ac genuina eruenda restat: *viventem non spirare est impossibile :* inquit *Galenus* (a) vera quidem est hæc propositio, si de quacunque respiratione intelligatur ; est autem respiratio duplex, una, quæ nota nobis est, per motum apparentem pectoris , aliarumque partium, quæ proprie *respiratio* dicitur, alia, quæ imperceptibilis à nobis est, quæ arteriarum aliquarum cordisque officio conservatur, & hæc à *Zachia* (b) *transpiratio*, hodie à Medicis *vitæ minima* appellatur. Vitam talem non supposititiam, & refugii causâ excogitatam esse nos docuit *Cel. Leidenfrostius* (c) qui hirundinem immittebat cucurbitæ vitreæ , cujus collum aquæ imponebat ad tollendam communicationem aëris externi, cum illo, in cucurbita contento, eo scopo, ut virorum *Maji* & *Hales* experimenta circa aëris elasticitatem capta, strictius examinaret. Hirundo vivebat in cucurbita octoginta tria minuta , toto corpore convulsa, supina cadebat, mortua penitus visa, rigida enim omnino & frigida eximebatur è cucurbita, cum per $\frac{3}{4}$ horæ morti tradita esse videretur , tentabat *Cl. Leidenfrostius*, num vitam ei reddere posset. Manui impositæ , per auctum caloris gradum , motus sic revocare conabatur, quo frustra factò, in hirundinis rostrum aërem ope fistulæ inflabat , in eum finem, ut hoc modo animalis pulmones moveri curaret. Voto responde-

(u) e. V. (w) Loco citato n. 14. (x) Idem in notis ad §. 203. n. 13. (y) Demonstr. Anat. pag. I. (z) De sed. & caus. morb. per anat. indagat. Epist. XIX. n. 43. (a) Lib. 6. de locis affect. Cap. 5. (b) Quæst. Med. legal. Tom. 3. Consil. 79. n. 17. (c) Exercit. Acad. de lethargo hirundinis, Præside J. G. Leidenfrostio M. D. & P. P. O. respond. J. B. Weinhausen Duisburg ad rhenum 1758.

debat eventus : hirundo rostrum movere, dein respirare, ultimo perfecte reviviscere, & in cubiculo circumvolitare incipiebat. Postridieidein subire debebat periculum, & vivebat ad octogesimum quartum minutum. Sed nullus jam aër pulmonibus intromitti poterat, idcirco dissectioni destinabatur animal: pectus & abdomen deplumabat Auctor, torosâ illâ carne, thoracem tegente, sectâ, sternum hujus aviculæ elevabat, sub omnibus hisce alias sensibilibus valde læsionibus, avis tamen ne minimum vitæ vel motuum indicium dabat, etiam ne una cruoris guttula è sauciatis copiosis vasculis effluebat. Sed quantâ cum admiratione cernebat hic *Leydenfrostius* denudatum jam cor motus suos vividissime continuare? pulmones ita contracti erant, ut nihil impedirent, quominus cordis, ejusque vasorum motus rite perpendi possent, distinctissime dignoscere poterat, quod ntriisque magnæ venæ, pulmonalis videlicet, & cavæ sinus sanguine replerentur, eumque ulterius propellerent, dein contraherentur ambæ auriculæ cordis, & momento post ipsi ventriculi cordis, aorta descendens alternatim implebatur & contrahebatur. Pulmones è contra quieti manebant, hi contracti penitus, pallidi dorsoque firmiter appressi. Sauciati stilabant quidem cruoris pauxillum, non tamen cum eo impetu, quo is ex vulneratâ artereâ exfilire solet. In hepate & mesenterio circuitus sanguinis notabilis erat. Ex aortâ prope hæpar læsâ toties profiliebat Sanguis, quoties cordis aderat systole. Ex secto hepate fluebat pariter sanguis dilute ruber. Post tanti nunc sanguinis evacuationem, cordis motus deficere, necesse erat. Auriculæ cordis frequenter adhuc contrahebantur, dum ejus ventriculi raro jam pulsarent. Cor demum aperiebat Cl. Auctor, apertura fundebat sanguinem, quoties cor contrahebatur. Interim ne vel minimus convulsionis motus hic conspiciebatur, quod mirum erat. Animalculum lethargicum esse pergebat, donec omni evacuato sanguine & viscera ejus vivere desinerent. Hæc experimenta cum eodem successu repetiit demum Cl. Auctor frequentius. Quis non miratur hic mira phœnomena? Probabile quidem videtur, hirundini peculiares datos esse ductus, per quos transmittitur sanguis non salutato pulmone, hos vero *Leidenfrostius* invenire non potuit. Memorabile valde est, quod ab ablatâ calvariâ, quam sustulit vir ille, ut videret, num sanguis per lethargicæ hujus hirundinis cerebrum circularet, & cordis motus, & ipsa vita cessaret ilico, unde concludit, singularem ignotam nobis vim, vitam sustinere aptam, existere in cerebro debere.

Ut in hac hirundine, sic in submerso homine, vita continuari videtur, sed cum vita minima imperceptibilis à nobis dicta fuerit, hinc argumenti solutio hucusque data incompleta penitus videretur, nisi signa quædam apponerentur in corpore apparentia, quæ vitæ minimæ aut præsen-

sentiam docent , aut justam saltem suspicionem faciunt , hæc vero ex *Hanovio* (d) §. 12mo , ut proprio suo loco, sunt desumenda.

§. VI.

Quâ ratione vero tandem moriantur submersi, ut inquiratur, ordo exigit. Alii à potâ aquâ , ab aquâ aëris loco in arteriam asperam illapsâ alii, ut *Platerus* (e) mortuos existimant, an ergo alterutrum an verò neutrum pro genuinâ hujus mortis generis causâ admitti queat , experimenta ex professo desuper capta consulenda erunt: itaque quid circa animalia bruta observatum fuerit, inquirendum primo :

Wepferus (f) nihil in pulmonibus submersi Castoris invenit aquæ. *Corradi Beckeri* Canis (g) ad pugnam aquariam cum fele , quam inter & canem rara inconstansque amicitia est , provocatus , post strenuum conflictum laceris scissisque auribus tandem succumbens submersusque , ac sectione dein cohonestatus exhibuit abdomen paululum tumidum, stomachum & intestina justo plus distenta, aquæ tamen prorsus expertia, atque pulmones sine aquâ inflatos.

Aliud simile experimentum ex industriâ captum, aquâ vacuos binorum canum ventriculos sistens , adducit idem *Beckerus* in replicâ suâ ad *Valentini Eperisin* (h) celeberrimo *Mongagni* (i) in varii generis bestiis hæc observare contigit : porcelli duo Indici nihil aquæ in ventriculo, nihil in gulâ, nihil in trunco asperæ arteriæ habuerunt. Spumofus duntaxat humor manu ex pulmonibus exprimebatur. In tertio porcello , capite ex aquis sic arrepto , ut nihil aquæ , quam gulâ aut larynge forte hausissent, posset effluere , res, ut in duobus primis, se habuit, nec quidquam è compressis pulmonibus prodiit, nisi alba aquea spuma , nec sane multa. Tres dein erinaceos memorat ad aquas pariter experiundi causâ damnatos, quorum primus spumosi aquei humoris portionem exiguam in ventriculo, nihil autem ferme in pulmonibus, qui erant flaccidi, ostendit. In reliquorum ventriculis aquæ nihil : ex albicantibus pulmonibus spuma elici exprimendo potuit. In talpa, quam, ut in aqua suffocarent, laboraverant diu , ventriculus paucam aquam habuit , è pulmonibus autem, alioquin turgidis , non aqua , sed spumofus humor expressus est. Muris domestici nec ventriculus, nec pulmones quidquam habuerunt aquæ, quæ perierat, neque in *Glire* italo, eadem morte perempto, aliter invenit.

Idem vir (k) feles recens natas subjicit experimentis, ex quarum dis-

(d) *Rariora Phys. & Oeconom. ex Gedanens. Obs. Collect. ext. & edit. per m. I. d. Titium. Tom. I. pag. 63.* (e) *Quæst. Pathol. 55.* (f) *Eph. n. c. dec. I. a. 2. obs. 251.* (g) *De submers. mort. sine pota aqua §. 12.* (h) *In initio.* (i) *Loco citato n. 41.* (k) *n. 42.*

dissectionibus tandem concludit supra laudatus Auctor (l) quod ex cunctis propositis observationibus, inter se comparatis, pateat, felibus recens natis non paucam in pulmonibus aquam, sæpe etiam multam in ventriculum descendisse, cum adultis plurimis animalibus neutrum fere acciderit.

§. VII.

Non adeo constans vero observatio est circa homines adultos submersos, ac circa animalia adulta, relinquamus hic venerandum nostrum *Morgagnum*, nec huic, nec *Valsalvæ* hominum submersorum cadavera incidere datum est. *Littrius* (m) paucam quidem in hominum pulmonibus, sed multam in ventriculo aquam reperille scripsit. *Olaus Borrichius* (n) memorat puellum inter natandum à marinis undis abreptum, mersumque profunde, ut ægre inventus sit, mox inter frequentium rotantium manus subitæ morti fuisse ereptum dum inter rotationes illas oborto vomitu, *salsam aquam copiose rejecit*. *Cl. Hallerus* (o) in scœmina a. 1747 & in altera 1748 (p) cum ambæ diutius sub aquis fuissent, compresso ventriculo & pulmoni, in illum descendisse aquam in utraque deprehendit, in altera ex hoc regurgitare aquam vidit. Ultimo laudati Autoris *Cl. Auditor Evers.* (q) suis experimentis confirmavit optimi Præceptoris theses.

Fortissimis experimentis utitur *Cl. Lavis* (r) invenit enim in pulmonibus non solum aquam, propter admixtum aërem, spumæ sub forma apparentem, sed & talem, in quali animalia submersa fuerant, ita ut c. g. bronchia atque pulmones atrum referrent colorem, si aquæ isti antea adfusum fuerat atramentum. Ne quis verò existimaret, aquam post mortem demum ingressam fuisse pulmones, animalia, quæ antea fuerant suffocata, in eam intravit, tumque ne guttulam ejus quidem in pulmonibus deprehendere potuit. Tandem vero, ut demonstraret, in ipsa animalis submersi inspiratione, & eodem mechanismo, uti fluida quævis, retracto embolo in siphonem trahuntur, aquam deduci in pulmones, canis posteriores pedes alligavit alicui loco firmo, ita ut ejus inverse suspensi caput in aquam usque pertingeret, sed & hoc modo enecati animalis pulmones idem docuerunt, quod in reliquis observare licuit, brevitate causa plures omitto Authores.

E contra dissectio Epileptici legitur in observationibus Medicis *Wespremi*, qui in balneum frigidum cum se immerisset, mox in eo suffocatus inventus fuit, in nullis autem hujus epileptici visceribus quidquam aquæ

re-

(l) N. 43. (m) Hist. de l'Acad. R. des sc. 4. 1719. (n) In Barthol. act. Med. Hafn. à 1671. & 1672. obs. 95. (o) De resp. experiment. P. 2. ad n. 39. not. 1. (p) Opusc. pathol. obs. 62. (q) Dissert. sistens experimenta circa submersos. (r) In Epist. quas de certitudine sign. mortis scripsit. pag. 221.

reperitum est. *Waldschmiedius* (s) in *submersis* ne guttulam quidem in ventriculo aut thorace reperire unquam liquisse dixit, astipulante deinceps *Beckero* qui (t) referens ea, quæ occurrerunt in dissectione foeminae, quæ infelici in puteum illapsa totius civitatis commiserationem promeruit, hæc verba profert: *pulmones paulum inflatos prorsus exscindi, manibus chirurgi attolli, pluries transfodi, laceros ac descissos manu comprimi jussimus, cum spe aliorum eliciendæ ac profluxuræ inde aquæ illecti, tum regiminis Gieffeni jussu præcipue ad inspiciendos pulmones impulsæ, qui verò adstantium minimum aquæ guttas inde profluxisse viderit, certe invenietur nemo.* Alio loco (u) idem confirmat Auctor se reperisse in viro quinque dies desiderato, tandem quatuor ulnas sub aqua invento. Similem observationem habuit *Heidelbergæ* in viro sene *Nebelius*. Hoc loco præmonendum venit, in initio hujus sæculi creditum communiter fuisse, nullo alio meliori modo judicari posse de homicidiis, aut violenta morte eorum, qui sub aqua mortui reperiuntur, quam per cadaverum dissectionem, in quorum ventriculis pulmonibusve, si reperiretur aqua, in aqua mortuos, si nulla, prius antequam mergerentur, periisse, decidendum fore. Cui male fundatæ opinioni strenue se opposuit *Conradus Beckerus*, dum occasione uxoricidii alicujus *paradoxum* suum *Medico-legale de submersorum morte sine potâ aqua* in lucem edebat A. 1704. Ubi vanam esse cadaverum sub aquis repertorum inspectionem legalem, docebat, Contra quod *paradoxum* *Epicrisin* scribit *Michael Bernhardus Valentini*, in qua, ut adversarium aut erroris aut conjecturæ nondum satis probatæ convincat, adducit & *Platerum* submersos ab aqua aëris loco tracheam fubeunte perire credentem, & *Ludovicum Ruppium Med. Licentiatum*, qui canem sacco cum ingenti lapide inclusum fluminique injectum suffocavit, eumque statim cultro anatomico subjiciendo præter spumam illi insidentem $\frac{1}{8}$ fere mensuræ partem aquæ in pulmonibus observavit. Cum itaque per *Plateri* & hanc *Rupprii* observationem res adhucdum dubiosa maneret, proposuit *Valentini*, si certi quid desideretur, id vel illorum, qui natando perierunt, vel in aqua supplicio affecti fuerunt (an denen so gesäckt worden) sectione fieri debere. *Bernhardo Valentini* ad hanc *Epicrisin* misit *Beckerus* suam *replicam*, in qua fidem *Rupprii* suspectam habet, adducendo novum experimentum à se & *Hanneckio* in duobus canibus nuperrimè cum eodem, ac in paradoxo suo dixerat, eventu institutum. Adeo mansit in concepta semel opinione, submersos sine potâ aqua defungi.

Tandem *Valentini* ad *D. Nebelium Professore* *Marburgensem* & p. t. *Acad. Rectorem Magnificum* mittit Epistolam, cujus finis hic est: cum *Magnifica tua Excellentia* olim, ni vebementer fallor, cadaver hominis suffocati publicæ sectioni submiserit, etiam atque etiam rogarem, ut me haud gravatim certiore

(s) *Ephem. n. C. dec. 2. a. 6. obs. 153.* (t) *De submers. morte sine potâ aquâ. §. 18.*
(u) §. 24.

tiorem reddat, an illic sive in pulmonibus, sive in ventriculo aquam reperierit? ut eo certius appareat, quidnam veritatis paradoxo huic, in ferendo de homicidiis iudicio, alioquin notatu dignissimo. In responsione Nebelii hæc legimus: in memoriam revoco: quod ante hos quindecim annos Heidelbergæ observavi in viro sene, qui in præterfluentem Nicrum, nescio quo casu, delapsus & ibidem suffocatus, posteaque à piscatoribus repertus, nihil aquæ potæ in ventriculo, sive in pulmone mihi exhibuit, quemadmodum idem in infanticidâ hic loci ante octo annos in Lano submersâ notavi. Tota hæc lis relegi prolixius potest in M. B. Valentini novellis Medico-legalibus (w) editis Francofurti ad Moenum A. 1711.

§. VIII.

Profecto periculi plena res erat olim, sic decidere homicidia, nam, dum ex cadavere humano aquis extracto, aquâ intus vacuo reperto, hominem in aquis non periisse audacter ad iudices referebant Medici, non vana apud illos nascebatur suspicio, vel veneno aut laqueo necatum, vel colapho aut subito percussu capitis ac thoracis attonitum factum, promortuoque habitum, in aquam abjectum fuisse, quapropter Medicorum viso reperto rem totam metientes, ilico eum, quem gravi odio demortuum persecutum sciebant, quemve putabant rivalitate, aut cupiditate adeundæ hæreditatis suspectum in vincula duci jubebant, ficque temere suspectorum lacerari fama fortunaque poterat, immortales certe grates debent Beckero & Medici & juris consulti, si primus is fuerit, qui detexit errorem.

§. IX.

Sed unde, quæso, hæc discrimina? quæ inter alias aliorum Auctorum intercedunt observationes, dum alii nihil aquæ, alii parum, multum iterum alii, omnes fide digni, in submersorum cadaveribus deprehenderunt? an in quibus nihil aquæ deprehenditur, ii laryngis rimulam aut gulam occluserunt? in quibus vero aliquid aut multum inventum est illi hos aditus apertos servaverunt? fuisse enim video, inquit Morgagni (x) qui ex vario hominum, dum submergerentur, consilio rem ad hunc modum explicarunt, ut, qui ob copiam deglutitæ aquæ submersos mori audiverint, arctissime illi ingressum claudant, & qui ob cohibitam respirationem, aperiant. Sed in bestiis, cum varia hæc consilia esse non possint, rem tamen in aliis earum quoque aliter invenimus. Deinde fac alios homines aliud velle, qui volunt, quomodo laryngem occludant? num glottidem constringendo? sed quomodo constrictam servabunt? cum, cessante respiratione, spirituum influxus cesset in musculos constringentes? idemque ajo, si epiglottidem deprimere eos homines dicas, ut laryngem prorsus aperiant: quanquam musculos, qui valenter præstare id possent, ego quidem necdum satis agnosco. Cur ergo alios aqua intrat, alios minime?

B

re-

relegat hic Lectorem Laudatus *Morgagni* (y) ad *cel. Senacium* in historia Academiae Regiae Scientiarum. A. 1725. quem relegere mihi non est datum.

§. X.

Cum jam Medicorum quorundam æque, ac vulgi opinio sit, suffocandos sub aquâ, aquæ tantam necessario haurire quantitatem, quâ totus venter plenus sit ac tumeat, viscera vero à tanta copia aquæ distenta, ad continuandas functiones vitales prorsus inepta reddi: sicque perire hominem existiment, ex dictis vero patet, non omnium in aquâ mortuorum interiora subire aquam, hinc mortis eorum genuina, singulisque submersis communis causa aliunde quærenda restat: etsi *Paulus Zachias* (z) suffocandos aquam potare clare exprimat: *primum signum est, quod, qui submersus vivus est, ventrem totum aquâ plenum ac tumentem habeat.* Eos tamen mori ait (a) *ob cohibitam potius respirationem, quam ob aquæ copiam, quæ ab illis ingesta fuerit.* Namque aer ultimâ inspiratione in bronchia admissus retentusque, ac exspirari nescius, ad extremam pulmones magnitudinem distendit, ac vesiculas usque eo inflat, ut bronchiorum à se invicem abductæ cartilagines bronchia protendant, elongent, pulmonum magnitudinem adaugeant, hos in perpetuâ distensione teneant, quo fit ut Sanguis è cordis dextro in sinistram sinum per extensos continuo pulmones difficulter primis tribus diebus in aliquibus transmitti debeat, postea propelli omnino non queat. Falsum ergo est, in quocunque mortis genere expirationem ultimam esse corporis actionem, sicuti in communi discursu de amico, qui jam obiit, dicere solemus: *exspiravit.* An fortassis etiam aer non renovatus in pulmonibus, sicque elasticitatem suam amittens submersorum mortis concausa est? mirificum certe experimentum est, quod nullum omnino animal possit in eodem aëre vivere, quo aliquamdiu usum est, nisi alius aliusque perpetuo succedat. Nam avicula inclusa vali vitreo, in quo aer accurate inclusus fuit, perit omnino intra 45 minuta, (b) mus intra bihorium moribundus (c). Qui ex vesicâ aëre inflatâ, arctissime ori circumdata respirat, brevi deficiet, atque vesica flaccida collabi videtur, interim si attendamus ad ea, quæ viri diligentes in submersorum dissectionibus observaverunt, perditam aëris elasticitatem in auxilium vocare non licebit: sic *Beckerus* (d) inquit: *pulmones -- inflati erant -- brevi tamen emissio per resectam trachæam flatu subsidere observabantur. Et pulmones paulum inflatos -- resecto gutture continuo subsidisse, sonumque levissimum edidisse, memoria tenet: deiu (e) excissi pulmones flatum sonorum edebant, ab adstantibus etiam observatum.* *Weseprenus* de quo supra §. 7. cum Epilepticum

y(Eodem numero sub fine. (z) Quæst. Med-legal. lib. 5. Quæst. II. pag. 36. n. 4.

(a) Loco citato. (b) Boyle Digress. de resp. usu. (c) Idem Phil. Trans. 63. (d) ibid.

§. 12. (e) §. 24.

ticum submersum dissecaret, aërem in pulmone contentum levī quoque sibilo erupisse audivit. Non tamen perpetuum hoc phœnomenon est, idem enim *Wespremus*, cum perforaret asperam arteriam nautæ in Tamesi flu-
vio submersi, & post quadrantem horæ cum dimidio inventi, & extracti,
nec ullum sibilum, aut aliud erumpentis aëris indicium animadvertit.
Aër vero sectione erumpens, si elasticitate destitutus fuisset, neque sonum
erumpendo dedisset, neque pulmones subfedisent. Quare videtur aër in
submersorum bronchiis primo quidem rarefieri à præterlabentis Sanguini-
nis calore, sed & iterum condensari dein, & quasi retundi ab aquæ Glot-
tidi incumbentis frigore, in aliquibus saltem.

§. XI.

Examinetur nunc, an per signa certa distinguere possimus eum, qui vivus in
aquis periit, ab alio, alio mortis genere denato, dein in aquam projecto.
Illa Medicinæ pars, quæ ad forum juridicum applicatur, exigit, ut hoc
loco certi quid statuatur. Nota procul dubio est omnibus Medicis famosa illa
lis, quæ Lugduni in Gallia anno 1767 inter chirurgiæ graduatos Magi-
stros *Champeaux* & *Faissole* ex unâ, & duos chirurgos, unumque Medi-
cum ex alterâ parte oborta est, super genere mortis puellæ octodecim an-
norum, quæ Lugduni die 25 Junii hora nona vespertina disparuit, cujus-
que cadaver postmodum die 30 ejusdem mensis à patre, aliisque ad no-
vem miliarium Gallicorum distantiam in Rodano prope villam condriacam
(Condrieu) inventum fuit. Tota res fuit per Epistolas ventilata. Prior
ad *Cl. Lovis* examinat, quænam sint distinctionis notæ in cadavere ejus,
qui in aqua submersus periit, aut ejus, qui mortuus demum in eam fuit
injectus, quem in finem multa experimenta (f) facta sunt in animalibus,
potissimum in canibus, qui in aqua vel pura, vel varie tincta, submersi
sunt, vel laqueo suspensi, vel ictu inflicto interempti, vel in pannos suf-
focati, & mortui demum in aquam projecti. In iis, qui in aqua perierant,
constantissime aqua reperta est in spumam resoluta in bronchiis & pul-
monibus, epiglottide erecta, cerebro vix mutato, in ventriculo parum
vel nihil aquæ. Ultimum vitæ momentum finiebatur inspiratione vehe-
mentissima. Animalia è contrario suffocata & mortua in aquam projecta,
pulmones offerebant collapsos, & è contrario vasa cerebri Sanguine ma-
ximè turgentia. Humanum etiam cadaver (g), quod per 24 horas aquæ
immerfum fuerat, nullum ejus vestigium in ventriculo, bronchiis aut pul-
monibus obtulit. Experimentis adductis *Cl. Lovis* maximam fidem tribuit,
quippe quæ cum iis, quæ ipse olim instituerat, exactissime conveniant:
recenset postea sententias Auctorum (h) qui cum ipso consentiunt, aquam

(f) *Experientiæ & observationes super causâ mortis eorum &c. Auct. Champeaux & Faissole pag. 22. (g) Pag. 28. (h) Pag. 75.*

spumescentem in bronchiis & pulmonibus præsertim signum suffocationis in aqua esse, viro-*rum Cl. Senac, Halleri, Evers, de Courcelles, Rædercri.* In secunda epistola ad *Cl. Løvis* quæritur (i) *potestne hæc aqua spumescens longo post mortem tempore adhuc adesse?* Hoc ex experimentis satis clare jam patet, sectio etiam cadaveris post nonaginta quinque à suffocatione dies ex aqua extracti, rem extra omne dubium ponit. Neque hæc aqua spumescens transudare potest, cum cartilaginea & membranaceo ligamentosa ipsorum bronchiorum structura illud prohibeat, & ipsa illius indoles viscosa ab admixto muco bronchiorum profecto obstat, idem de egressu ejus per os sentiendum est; neque resorptio quædam locum habet, quippe quæ in corpore demortuo nulla est. Quæritur deinde (k) *estne defectus hujus spumæ signum certum personam non esse vivam submersam?* hoc itidem experimenta facta, & magis adhuc sectio cadaveris affirmant, quod novendecim post mortem dies ex aqua extractum demonstravit, mortem subsequutam esse post læsiones capitis & constrictionem colli, alia huic similis sectio ejusdem tenoris est.

Provocant adversarii ad foetum in liquore amnii natantem, quippe qui sine inspiratione in bronchia ejus ingrediatur, sed liquor is ibi repertus non est amnii, utpote, qui collapsa sine inspiratione bronchia intrare nequit, sed mucus ex glandulis secretus ob ipsum inspirationis defectum copiosior.

Omnes ergo binorum chirurgorum probationes, quibus in aqua periiisse aliquem hominem evincebant, partim ad cerebri, partim ad pulmonum conditiones pertinent.

Præter dicta jam signa aliud adducit *Zachias* (l) quo distinguitur is, qui vivus in aquis submersus est, atque ibi suffocatus, habet enim extremos digitos excoriatos & attritos, ex eo, quod mortem, quæ datur, evitans, obvia quæcunque, saxa nempe scopulos, terram ipsam, si datur attingere, veluti furibundus tentat arripere, arenamque ipsam effodit: in eo autem, qui mortuus in aquas dejectus est, nihil tale conspicitur, mortuus enim cum morte non amplius colluctabatur.

Abdomen quoque plerumque tumidum habent, quos aqua necavit. Uti *Beckerus* animadvertit. Sed unde hic tumor? in cadaveribus, quæ diu in aqua fuerunt, cessantibus nonnullis causis, quæ internum aërem servabant compressum, hic jam se se explicat, atque expandit, uti credere cum *Senacio* (m) malimus; quam ab aqua per cutis poros subeunte illam voluminis amplificationem repetere, ob quam submersorum corpora, aqua specificè leviora facta, è fundo enatent, in summoque consistant.

§. XII.

(i) Pag. 151. (k) Pag. 166. (l) Lib. 5. Tit. 2. Quæst. II. n. 4. (m) Hist. de l'Acad. R. des sc. 1725.

§. XII.

Cum nunc proposita signa certa, quæ hominem in aquis periisse decernunt, ex interiorum viscerum, ut cerebri & pulmonis (§. 11.) inspectione juxta adductum libellum petenda sint, certitudo autem de plenariâ morte, antequam tentetur sectio, prærequiratur, hinc in hujus indicia certa inquirere, jam eo magis necessarium est, quo dedecorosius nihil esset, quam secuisse vivum, etenim mortuum pro vivo habitum, vivum pro mortuo repositum fuisse, adeo rarum non est.

Magnam & evidentem fere cognitionem facere possunt oculi, ubi enim homo vivit, quantumvis vita minima remaneat (§. 5.) oculi tantisper fulgere, vigorem aliquem nitoremque conservare, atque intuentium imaginem reddere solent, (licet non assentiendum, quod *Plinius* (n) firmat, hominem scilicet ex morbo non periclitari, quamdiu oculorum pupillæ intuentium imaginem reddunt, quasi, cum moriturus est, id non contingat,) at ubi nulla vitæ spes superest, oculi jam omnino offuscati, ac veluti panno quodam obducti, spiritibusque extinctis nullam evidentem saltem reddunt intuentium imaginem, nisi obscuram (o). Certe omnes gentes de oculorum splendore amisso, & de viscido illo muco super corneam inducto, occasionem tritæ illius dicendæ formulæ: *oculi fracti sunt, de vitâ nunc actum est.* desumere soliti sunt; hinc oculi flaccidi, & molles simul facti suppeditant signum mortis, omnia reliqua certitudine suâ superans. Superstiti oculorum alicui vigori addit *Hannovius* (vid. §. 5.) calorem internum, qui thermometro apto, prius in aquâ, in quâ suffocatus detinebatur, dein in anum intruso determinatur, venarum ligatarum tumorem, atque sanguinem ex iis punctis effluentem, pulmones ab aëre inflato commotos, putridi foetoris absentiam. Unicum certe & infallibile mortis signum foetor est, ex putredine jam ortum ducens: est enim foetor putredini tam proprius, ut eo præsentem dubio non sit locus, ut in Lazaro, in quo mortis manifestissima signa erant conspicua, foetebat enim jam & corruptionem patiebatur, quapropter & resurrectio ejus miraculosa habetur ab omnibus Medicinam legalem docentibus. Incipientis putredinis signa, & maculas lividas pro absolutis mortis signis similiter habet *Hebenstreitius* in anthropologia forensi (p). Libet denique adnotare hic Persarum mortem, de quâ *Herodotus* (q) quod mortuum non ante humari permittant, quam ut aut ab alite, aut à cane trahatur. Eo quod ex nullis aliis signis possit mortis certitudo haberi, nisi cum alites aut canes foetore allecti, ex cadavere exspirante, ad illud accurrant.

B 3

§. XIII.

(n) Lib. 27. Cap. 6. (o) Zachias lib. 4. tit. 2. Quæst. 11. in fine. (p) Cap. 5. de curâ mortuorum. (q) In consilio non longe à fine.

§. XIII.

Quamdiu ergo putridus tabus nondum infecit submersum hominem, omnia molienda sunt, ut vitæ silentis gliscens forte igniculus iterum quaquaversum expandatur, quod eo facilius fieri poterit, quo certius est nihil periisse, nihil accessisse corpori, sed solum motum deesse (r), hic si resuscitari poterit, redit vita, per quam non intelligitur fluxa illa vita, celerique iterum passu finienda, quæ à vera animalis morte ex postliminio restituitur, dum aëre vel in venam cavam, vel ductum thoracicum fortiter impulsio, sufflaminatus cordis motus resuscitatur; *in perfecto enim cadavere*, ut legimus apud *Boerhaavium* (s) *cor ad aliquam palpitacionem excitari potest, aquâ per venam immissâ*, sed ejusmodi intelligitur vita, quæ durabili sit cordis motu, ac perennante humorum circulatione protrahitur. Homo ille in Epistolâ *Langbansii* (t) qui per dimidium circiter diem sub aquis fuerat, brevi pristinam recuperavit vitam, solo spiritus salis ammoniaci naribus ejus admoto. *Detbardingius* (u) ejusque asseclæ præcipuum submersorum auxilium posuerunt in elevatione Epiglottidis, hi enim ab adstricta ad orificium Laryngis Epiglottide, & respirationem intercipi, & aquam excludi, quasi vero hæc in omnibus excluderetur, non dubitarunt: neque tamen eorum quispiam est, qui in submersorum dissectione Epiglottidem depressam à se, aut ab aliis repertam esse dicat: contra autem apertam Glottidem, elatam Epiglottidem *Evers* (w) in tot experimentis semper conspexit, ut etiam in puero, cujus pulmones aqua subierat, uti & ventriculum. Itaque immisso statim digito, aut pennâ potius, peniculove ex setis irritandam voluerunt Epiglottidem, aut, postquam sub larynge aspera arteria pertusa fuerat, subinde ad hujus vulnus digitum apponere, aut tussim provocare jubent, ut alterutro modo impulsus ab aëre Epiglottis attolleretur. Quod propositum, si ita revera se haberet, ut ii posuerunt, certe promptius longe, valentiusque superesset remedium ad relevandam dictam cartilaginem, nempe linguam protinus digitis apprehensam antrorsum protrahere. (x)

Verum etsi Epiglottis in submersis depressa à nemine reperta fuerit, esse tamen potest bronchotomiæ locus irritis auxiliis cæteris, quæ ab Auctoribus commendari solent, tum, ut aër calidus per fistulam propius in pulmones immittatur, tum ut aqua, in pulmones illapsa, alteram inveniat viam, per quam citius egredi queat. Quanquam recentissimi Auctores & hoc auxilio, & aliis exquisitioribus se frustra usos fateantur ad
ca-

(r) Van Swieten in Comment. in Aph. Boerhaav. Tom. 1. pag. 3. Proleg. (s) In inst. me. §. 625. *palpitant*. (t) De causâ à partu somnolentiæ. (u) Secl. de Subven. Submers. per Laryngorom. (w) Diss. sistens circa Submers. (x) Morgag. in Secl. & caus. morbor. Epist. XIX. n. 44.

canes plures, sub aquâ octo haud amplius minuta demersos, in vitam revocandos. E contra alii per remedia non exquisita resurrexerunt, uti homo ille, quem memorat *Langhansius* in Epistolâ supra citatâ.

In rescripto illo jussu Regis Galliae anno 1740 à Societate Parisiensi divulgato, illud auxilium, quo submersi aquâ educti, capite inverso, pedibus suspendi solent, ut aqua deglutita ore effluat, ut superfluum rejicitur, siquidem in horum hominum dissectorum ventriculo nulla fere aut exigua copia aquæ reperta fuit. Ad eam vero, si qua ingurgitata fuerit, evacuandam potius irritatio faucium, mediante pennâ, facta & agitatio corporis continua aliquid conferre poterunt. In ejusmodi autem hominibus, mortuis visis, resuscitandis eo imprimis respiciendum esse putat *Hannovius* (y) ut motus partium solidarum internarum irritetur & roboretur, ad quod perficiendum calorem, lintea, stragula, balnea calida, fomentationes, frictiones, irritationes narium externe applicata multum juvare ait. Internè porro ingerit spiritum vini, urinam calidam, & acetum cum pipere coctum, fumum tabaci, aut clysteres ex fumo tabaci in anum immittit. (*Philippus Gabriel Hensler* in indice suo præcipuorum remediorum in salutem, qui subitam ac violentam passi sunt mortem, aut morti proximi videntur, illam tabaci speciem præfert, quam *Cnaster* dicunt) venam & imprimis jugularem secatur, cavendum tamen, ne in ejusmodi venæ sectione nimia sanguinis copia effluat. Ita *G. Tenhaaff* in commentariis societatis scientiarum Harlemensis (z) his omnibus frustra adhibitis, tandem ad bronchotomiam ex iisdem, quas supra attulimus, rationibus, prope- rat. In his vero auxiliis præstandis magnâ patientiâ & constantiâ opus esse monet. His similia suadet *Cl. Engelmann* in commentariis societatis scientiarum Harlemensis part. 4. (a) nisi quod fistulam, qua ad sugendum herbæ Nicotianæ fumum uti solent, intestino recto inferere, & per illam aërem flando intrudere jubeat. Tali modo puer, post dimidium circiter horæ aquâ extractus, nullumque vel sensationis, vel vitæ indicium præbens, vivere incipiebat, suspirabat, aquam emovebat, clamabat, atque integram recuperabat valetudinem. Eundem ejusmodi remedii eventum vidit *Joseph Raulin* (b) in juvene 23 annorum, in quo aquâ extracto, aëre primum ano immisso, labium inferius paululum moveri cœpit. Quo facto post largam venæ sectionem in brachio institutam, larga vini emetici dosis ei propinabatur. Hanc vero loco vomitus convulsiones quadrihorium durantes, hasque sudor profusissimus bihorium durans excepit. Pergit deinde *Engelmann* suadens, ut, quo nulla balnei parandi, occasio est, æger denudato corpore in lectum calefactum ponatur. Quo facto duo robusti & nudi viri vel unus se suffocati corpori superimponant, eique calefaciendo, fri-

(y) Loco supra citato. (z) Tom. 6. part. I. pag. 696.

(a) Observat. 13. pag. 386. (b) Obs. Méd. in quibus annotationes &c. pag. 275.

fricando, pectusque comprimendo auxilium præbeant. Quod si vitæ aliqua signa in suffocato apparent (c) non sine ulu esse putat sternutamenta, quibus facile, quidquid aquæ in arteriâ asperâ insit, sternutando expellatur. Alia quidem, ad eandem tamen indicationem directâ remedia leguntur in promptuario Dresdensi, siue elaborationibus & relationibus, ad historiam naturalem, artem salutarem, doctrinam morum, & litteras pertinentibus (d): submersus involvatur membranâ animalium recenter inactatorum, imprimis vervecum, vel obtegatur arenâ calefactâ, aut sale calido, aut cineribus calidis; quo ultimo remedio efficitur, inquit *Fridericus Casimirus* Medicus in commentariis Academiæ scientiarum Electoralis Bavaricæ (e) ut urina copiose fluat.

Eadem ferme, quæ dicta sunt, auxilia submersis ferenda dilaudat *Tissotus* in consiliis sanitatis, genti rusticæ datis (f) cum hoc additamento: quamprimum ad se redeunt ægri, oxymel scilliticum aqua dilutum, aut hujus defectu infusum cardui benedicti, aut chamomillæ propinandum est, non neglectis iterum iis, quæ ad ipsos suscitandos commendata fuerunt, adminiculis: hisce dictis remediis, imprimis venæ sectione, & bronchotomiâ à societate Amstelodamensi, ad submersos vitæ restituendos constituta, ab anno hujus decimi septimi sæculi sexagesimo septimo usque ad annum septuagesimum, centum atque triginta, & quod excurrit, meriti servati fuerunt.

§. XIV.

Annon ergo laudabile non solum, sed & salutis vitæque civium summè proficuum consilium ceperunt Reges, Principes, variarumque urbium Magistratus, dum ad submersos vitæ reddendos leges dederunt, & præmia constituerunt, etiam iis, qui frustra allaborant.

Magistratus Amstelodamensis non solum præter præmium, sumptus remedium reddere, sed inquilinis submersos sine morâ excipere recusantibus mulctam viginti & quinque florenorum in usum exercitus solvendorum constituit.

Amstelodamensium exemplum secutus *Magistratus Hamburgensis* æque ac Hamburgi florens societas multa laudabilia consilia cepit de submersis vitæ restituendis, inter potiora sunt, omissis supra relatis auxiliis, ut corpore vestimentis suis caute denudato, ne per temerarium concussus, hosque motus nimios fortasse sanguis celerius & rapidius ad caput æque ac pulmones feratur, sicque suffocatio ac mors acceleretur, nec supinus, nec pronus jaceat æger, sed lateri incumbens, & capitis situs semper quodammodo

(c) Pag. 426. (d) Tom. 2. Par. 5. Obs. 3. Pag. 284. (e) Tom. 2. pag. 340.
(f) Pag. 434.

dammodo altior sit. Suadent dein, ut linteis paululum calidis, spiritu vini imbutis à capite usque ad os sacrum secundum spinæ dorsalis longitudinem diu fricetur corpus, nec minus cataplasma ex pane tosto, vinotepido, seu spiritu vini, similibusque cum quibusdam aromatibus paratum thoraci ac abdomini applicetur. Demum abdomen sæpe versus thoracem leniter esse premendum, interdum quoque totum corpus, ut sedeat, erigendum, moderate concutiendum, & versus dorsum pulsandum, aëremque in os, vel ore, vel ope follis vel tubuli esse inflandum volunt.

Nunquam sulphur incensum naribus adinvenendum locum habet ob suffocationis metum. Quod autem ad interna Medicamenta attinet, nec vinum, nec venæ sectio, nec alia fortiora spirituosæ in os injicienda sunt, priusquam motus vitales jam redierint, quoniam alias hæc fluida tendent asperam arteriam, & suffocationem mortemque accelerant, guttulæ autem quædam volatilis cujusdam spiritûs linguæ possunt instillari. Omnibus his remediis diu adhibitis (constat enim sæpe, horis integris præterlapsis, effectus demum esse secutos) tamen non statim corpora sunt relinquenda, sed præterea vel cineribus, vel arenâ, vel sale tepido, vel stragulis calefactis, vel fimo usque ad collum sunt operiunda.

Jussit quoque *Clementissimus Fridericus Dux Saxonie Gothanus* divulgari remedia & præscribi modum, quo Magistratûs & Subditi, non solum submersis, sed omnibus omnino, quâcunque ratione mortem subitanæ ac violentæ expertis, succurrere teneantur, donec Chirurgus aut Medicus adlit.

Majorem adhuc præ se fert humanitatem institutum *Augustissimæ Imperatricis Mariæ Theresiæ*, quæ præter clementissimum mandatum succurrendi submersis & omnibus subitam ac violentam mortem expertis, etiam præmium viginti quinque florenorum constituit omni illi, qui aliquem vitæ restituerit.

Regia Autoritate in *Daniâ* ante breve tempus præmium vigintinum-morum aureorum assignatum fuit communicaturo remedia, quibus submersum, vel quocunque modo suffocatum, ad vitam revocaverit.

Anno 1771 13 Septembris *Serenissimus Princeps Elector Palatinus, Carolus Theodorus* puro in cives suos amore ductus, sequens edictum imprimi jussit.

Wir Carl Theodor von GOETTES Gnaden Pfalzgraf
 bey Rhein, des H. Röm. Reichs Erzschatzmeister und Churfürst ꝛc. ꝛc. ꝛc.

Liebe Getreue. Da aus vielfältigen Erfahrungen sich veroffenbahret hat, daß die vermeintlich ertrunkene Persohnen, wann sie gleich etliche Stunden im Wasser gelegen, und für Todt gehalten worden, durch allerhand Mittelen von Erwärmungen, schütteln, reiben, Einblasung der Luft in die Lunge, Alderlasse, und sonst wieder zu sich selbst gebracht worden; Als befehlen Wir sämtlichen Unseren Unterthanen alles Ernstes, hinführo in solchen Fällen es nicht bloß bey der gerichtlichen Bekanntmachung bewenden zu lassen, sondern alle im Wasser betroffene Körper, die nicht bereits versaulet, oder sonst mit solchen Merkmalen behaftet seynd, daß alle Hofnung der Rettung verschwunden, sofort aus Land zu ziehen, und in das nächstgelegene Wirthshaus, wann aber dergleichen in der Nähe nicht vorhanden, in ein anderes Haus zu bringen, mitmöglicher Eilfertigkeit einen Medicum, oder Chirurgum herbey zu holen, und durch diese alle mögliche Rettungs-Mittelen appliciren, den Körper aufm Rücken, oder Bauch zu legen, nicht aber auf den Kopf stellen zu lassen, wobey dann jedem Unterthan, besonders denen Wirthen und Herbergeren bey zehn Rthlr. Straf aufgegeben wird, sein Haus zu diesen Versuchen herzugeben; welchemach die gerichtliche Bekanntmachung geschehen solle. Ihr hat also auf diese Verordnung zu halten, des Endes die Publication von den Kanzelen, und Affixion in locis publicis förderksamst zu veranstalten. Düsseldorf den 13ten Sept. 1771.

Magistratus, qui *Insulae* praest, edictum die 14 Octobris 1772 in salutem merforum promulgavit. Tria loca publica cineribus praeparandis destinata sunt. Urbis Chirurgus, qui clysmatico instrumento ad sumum nicotianæ adhibendum instructus est, quorsum arcessitur, praesto esse debet, qui merfum detegit, & justo loco indicat, sex florenos accipiet, cæterum sumptus, qui, ut Magistratûs voluntati fiat satis, sunt impendendi, pari modo redduntur.

DE SUSPENSIS.

Phœnomina, quæ extus in suspensis apparent, conspiciuntur imprimis in facie, labiis, linguâ, oculis, atque partibus genitalibus; in tumore. rubore, livore, nigredine dictarum partium consistit mutatio. Cujus multifariæ mutationis causas in convulsione tum particulari, tum universali, atque in copiâ sanguinis partim retardati in partibus superioribus, partim ad inferiores magis propulsi, quærimus.

Phœnomena intus in suspensis apparere solita, quærere speciatim oportet.

tet in sanguinis totâ massâ, cerebro, meningibus, crassioris meningis sinibus, retina, tympani membrana, auditûs ossiculis, musculis colli, cartilaginibus laryngis, vertebrae colli, pulmonibus, cordis cavis. A sanguinis fluore ex observatione binorum exercitatissimorum virorum *Valsalvæ & Morgagni*, in suspensorum cadaveribus superstitè, ab ejus extravasatione; à vasorum rupturâ, aut infarctu, à disruptione, fracturâ, luxatione derivare licet singulas in enarratis partibus occurrentes præter naturam degeneraciones. Interrogatus rationem dabo, cur in descriptione symptomatum in internis suspensorum partibus observatorum, alii diligentes viri ab aliis discrepent.

Quid circa ligaturam nervorum recurrentium, arteriarum carotidum, venarum jugularium ex- & internarum, tum antiqui, tum recentiores Medici, in specie *III. L. B. van Swieten* animadverterint; cuilibet petenti exponam, quo factò, communem de suspensorum morte rejiciam opinionem, quâ scilicet asseritur: adstrictione jugularium venarum prohiberi sanguinis à capite reditum, qui interea per carotides arterias, non omnino compressas, & multo magis per vertebrales, à compressionè tutius defensas, in cerebrum importatur, itaque confestim lethalem apoplexiam fieri. Respirationem potius interceptam, concurrentem cum obitaculis libero sanguinis per encephali vasa circuitui positis, pro genuinâ mortis suspensorum causa declarabo.

Non omnis suspensum servandi spes abjicienda est, quantumvis spuma circa os appareat; & remedia suspensio ferenda, eo omnino dirigenda sunt, ut stagnantes in vasis humores reducant in motum, atque respirationis silentem actionem redintegrent, huc spectant ex doctrinâ *Riolani, Baconi, Morgagni, Unzeri* venarum jugularium sectis; artuum, spinæ dorsii, totiusque corporis frictio; cataplasmata emollientia collo circumponenda, aëris in pulmones inflatio, aut tabaci fumus illuc pulsus; Bronchotomia; clyisma acre, dorsii pulsatio, artuum extensio, caute tamen vitatis violentis concussibus; odorifera acria; sternutatoria; cucurbitulæ infernis partibus appositæ &c.

Salvati suspensi, uti *Cesalpinus* atque *Wepferus* scribunt, in constrictione laquei stupore correptos, nihil sensisse retulerunt. Audivit *Morgagni* de gravi & verace viro, furciferum interrogantibus retulisse, primum sibi quasi scintillas ante oculos esse obversatas, mox nihil omnino sensisse.

Funis vel laquei, quo quis fuit strangulatus, vestigium in collo, quo rubore, aut nigredine vel livore se manifestum facit; rugosa & contracta circumstans colli cutis discernunt hominem vivum suspensum ab alio, alio mortis genere denato, dein suspensio.

Fortunatus Fidelis plenam & indubitatam ejus rei notitiam desumit ex dissectione pulmonum, qui veluti purulenta spuma turgeant. Prius vero, laquei nimirum vestigium, certius indicium præbet, cum depressio semel in corpore vivo facta post mortem deleri nunquam possit.

Homo, laquei ope suicida, caret illatæ ingentis violentiæ signis, ut vertebrarum luxatione, musculorum, cartilaginumque Laryngis disruptione &c. moritur simpliciter apoplecticus; moritur lente, moritur, et si pedibus terram tangat; facile revocabilis est ad vitam. Homo à nebulone prius strangulatus, postmodum, ut incideret suicidii infamiam, suspensus; duplicem in collo exhibet impressionem: unam horizontalem, contusione comitatam; alteram obliquam, versus occiput tendentem, contusionis expertem. Homo in laqueo mortuus inventus, alteram illam dictam impressionem solummodo exhibens, absque priori, attente examinandus est, num abdomen caputve habeat percussum, aut cor penetratum plagâ, tenuissimo instrumento inflicta, ideoque vix extus conspicuâ, & vix aut ne vix sanguinolentâ.

COROLLARIA REI HERBARIÆ.

BOTANICE tradit cognitionem vegetabilium,
Vegetabilium functiones vel *vegetationi* vel *fructificationi* inferviunt——
prima ad plantarum incrementum, altera ad propagationem pertinet.

VEGETATIONI inferviunt *radix, truncus, folia, fulcra* —— RADIX alimento omnium partium plantarum inferviens componitur ex *medullâ. ligno, cortice, & epidermide*. Hujus Pars sub terra se se subducens, vocatur *caudex descendens*, varietque præter bulbos & tubera subdividitur, altera pars extra terram se elevans dicitur *caudex ascendens*; hujus ultimi species sunt *truncus, caulis, culmus seu calamus, scapus, frons, stipes*, huc etiam referri possunt *pedunculus & petiolus*.—— FOLIA fere infinitè varias denominationes ab eorum, tum simplicitate, tum determinatione desumendas exhibent.—— FULCRA sunt pro commodiore sustentatione plantæ adminicula, species eorum sunt *stipula, bractea, spina. aculeus, Cirrhus, glandula, pilus*.

FRUCTIFICATIONIS partes sunt *flos & fructus*.

FLORIS partes sunt *calyx, corolla, stamen, pistillum*, ex his duo ultima sunt partes essentielles.

CALYX est membrana exterior floris, hujus septem numerantur species, *Perianthium, Involucrum, amentum, spathe, gluma, calyptra, volva*.

COROLLA est membrana interior floris ex iisdem principiis, uti calyx, diversa, partes corollæ Monopetalæ sunt *rubus*, & *limbus*, primus est pars inferior tubulosa, secundus est pars superior expansa, sæpe variis dissectionibus divisa, quæ *lacinia* dicuntur—— in floribus labiatis pars superior *Galea seu labium superius* inferior *barba* seu labium inferius denominatur.—— Partes corollæ polypetalæ sunt *lamina* & *unguis*, prima est superior patula—— secundus est inferior basi adfixa.—— in floribus papilionaceis petalum superius *vexillum*, inferius *carina*, dua lateralia *alæ* nominantur.—— ad partes corollæ etiam refertur *nectarium*, quod est pars floris mellifera. **STAMEN** est floris pars interior pollinis præparationi interveniens,—— partes ejus sunt *Filamentum*, *anthera* & *pollen*.—— **FILAMENTUM** est pars staminis, quæ antheram sustinet, deficit in aliquibus floribus.—— **ANTHERA** est pars staminis præparans & includens tenuissimum pulverem, qui proprie dicitur *pollen*, quod est genuina plantarum genitura.—— **PISTILLUM** est pars floris interior & media, partes ejus sunt *germen*, *stylus*, *stigma*.—— **GERMEN** etiam **OVARIUM** dictum est pars pistilli inferior sistens futuri fructus rudimentum.—— **STYLUS** est pars pistilli germi insidens.—— **STIGMA** est summitas pistilli humore madida, suscipiendo, & retinendo pollini interveniens, ex his partes essentielles sunt *germen* & *stigma*.

FRUCTUS partes sunt *pericarpium*, *semen*, & *receptaculum*.—— **PERICARPIUM** est seminum involucreum, quod ea dimittit.—— **PERICARPII** partes sunt *valvula*, *dissepimentum*, *columella*, *loculamentum*.—— **VALVULA** est integumentum fructûs externum varie dehiscens.—— **DISSEPEMENTUM** est paries fructûs internus, quo pericarpium in plures cavitates distinguitur.—— **COLUMELLA** est pars connectens parietes internos.—— **LOCULAMENTUM** est cavitas vacua pro seminum loco.—— **PERICARPII** species sunt *capsula*, *siliqua*, *legumen*, *receptaculum*, *drupa*, *pomum*, *bacca*, *acini*, *strobilus*.

SEMEN est futuræ plantæ rudimentum pollinis irrigatione vivificatum vesicâ tunicatum.—— Species ejus sunt *nux* & *propago*, partes seminis sunt *Corculum*, *Cotyledon*, *Hilum*, *Arillus*, *Coronula*, *Ala*.—— **CORCULUM** est novæ plantæ primordium intra semen, cujus pars squamosa adscendens dicitur *plumula*, & pars simplex descendens dicitur *rostellum*.—— **COTYLEDON** est corpus laterale seminis bibulum caducum.—— **HILUM** est cicatrix externa seminis ab ejusdem adfixione in fructu.—— **ARILLUS** est tunica propria exterior seminis sponte secedens.—— **CORONULA** est caliculus adhærens, quo semen volitat.—— **Pappus** est corona plumosa vel pilosa volitans, cujus filamentum elevans pappum & cum semine connectens *stipes* appellatur.—— **ALA** est membrana semini adfixa, qua volitante seminatur.—— **RECEPTACULUM** est basis corollæ, quâ partes fructificationis connectuntur, estque vel proprium vel commune, primum partes unius fructificationis tantum respicit, alterum plures flosculos connectit, in quo ultimo lamella receptaculo innata flosculos distinguens dicitur *palea*.

DE SEXU SIVE DE SPONSALIBUS PLANTARUM.

In plantis dari diversitatem sexus ipsi credidere veteres, licet vero fuerint destituti principiis, recentiores hoc *Botanicorum Principi Carolo Linneo* in acceptis debent, juxta quem plantæ *mares* dicuntur, quæ flores solum masculos gerunt.—— *Fæminæ*, quæ foemineos tantum flores continent.—— *Androgynæ*, quæ flores & masculos & foemineos simul habent,

utrosque superatos, in eodem thalamo, ex eâdem radice. — *Dioicæ*, in quibus mares & foeminæ in diverso thalamo & diversa radice habentur. — *Hermaphroditæ*, quæ flores singulos hermaphroditos gerunt. — *Polygamæ* quæ hermaphroditis & foemineis aut masculis simul constant, in caule vel eodem, vel diverso.

FLOS MASCULUS Antheras, FOEMINEUS stigmata habet. — HERMAPHRODITUS, flos antheram & stigma simul continet.

STAMINA & PISTILLUM indicant sponsalia: suntque partes essentialcs florum, qui semen vel fructum gignunt, & quibus absentibus semina vel plane nulla vel saltem sterilia producuntur.

ANTHERAS esse florum partes masculinas & earum POLLEN veram genituram docet *essentia*, *precedentia*, *situs*, *tempus*, *castratio*. — *Essentia*, quia nihil aliud est, quam corpora præparantia & includentia genituram. — *Præcedentia*. Antheræ enim & earum Pollen semper fructum, seu semen antecedit. — *Situs*, Anthera ita semper collocatur, ut ejus pollen tanquam genitura pistillum seu partem foemininam pertingere queat. — *Tempus*. Antheræ & stigmata eodem omnino tempore vigent, etiam adeo, dum nonnisi in diversis habentur floribus. — *Castratio*. Si Antheræ alicujus plantæ unifloræ auferantur, nec alia ejusdem speciei adstet, semina præferet infecunda, uti Gallina deponet ova ventosa sine Gallo.

STIGMATA esse plantarum partes foemininas docet *situs*, *tempus*, *decidentia*, *abscissio*. — *Situs*, stigma enim semper ita collocatur, ut Antheræ una cum suâ genitura, polline idem attingant. — *Tempus*. Eodem omnino tempore, quo Antheræ, vigent etiam stamina. — *Decidentia* stigmata in plantis plerisque, dum munere suo sunt perfuncta, quemadmodum antheræ decidunt. — *Abscissio*. Si enim stigma, antequam genituram Antherarum conceperit, difsecetur, planta à parte foeminina castrata evadit, fructusque peribit semper.

Superius dicta sic se habere confirmat, *oculus*, *proportio*, *locus*, *tempus*, *pluvia*, *flores nutantes*, *submersi*, *syngenesia frustanea*, *omnium florum genuina consideratio*.

DE HABITU PLANTARUM.

Habitus, facies externa vulgo à Botanicis antea dictus est cónformitas quædam vegetabilium affinium, & congenerum in *gemma*tione, *vernatione*, *æstivatione*, *somno*, *torsione*, *variatione*, *sponsalibus*, *seminatione*, *placentatione*.

DE SYSTEMATE.

Methodus, quo una planta ab alterâ facili, expeditâ ac certâ ratione distinguitur, singulæ denominantur, & demum quasi in familias disponuntur, dicitur systema Botanicum.

DISTINCTIO fit per signa characteristica unam plantam ab altera distinguente.

DENOMINATIO fit primo, dum generum nomina una, vel duabus tantum constant vocibus,

bus, essentialem generis characterem exprimentibus, nec qualitatibus singularum hujus generis specierum contradicentibus. Secundo; Dum species plantarum nomine generico determinantur additis characteribus, à reliquis hujus generis speciebus eas per unum additum epitheton, vel nomen, quod vocant triviale distinguuntibus.

DISPOSITIO fit per classes, ordines, genera, & species, cuicunque plantæ inesse partes distinctivas erga alias plantas docet experientia, hæ partes vel plurimis, vel paucioribus, vel paucissimis, vel individuis plantis sunt communes.

CLASSES constituuntur ex characterum convenientia cum plurimis plantis.

ORDINES formantur ex convenientia cum paucioribus.

GENERA distinguuntur ex convenientia cum paucissimis.

SPECIES constituuntur ex convenientia cum individuis.

Huc etiam referendæ sunt *varietates*, quales vocantur differentię specierum notabiles, à causa quadam occasionali climate, solo, calore, ventis ortum ducentes, earumque tot sunt, quot differentes plantæ ex ejusdem speciei semine sunt productæ, variæ species itaque constituunt genera, ex variis generibus oriuntur ordines, & ex ordinibus classes.

Hæc methodus vel est *naturalis* vel *artificialis*, illa præstantior nondum perfecta, sedulo inquirenda, hæc illius succedanea semper utilis, perfecta nunquam. Qui *primam* sequuntur, abstrahendo à characteribus arbitrariis, observant plantas, prout cuivis se offerunt vel figura, vel sapore &c. qua plantarum complurium observatione ad similitudines, vel dissimilitudines earum ad species constituendas ducuntur, sicque repetita specierum contemplatio eos ad genera & exinde ad ordines & classes ascendere gradatim jubet. Qui *secundam* eligunt, primo propriam sibi delineationem constituunt, deinde ad hujus delineationis normam cuivis plantæ locum congruum assignant, easque plantas in unam divisionis speciem redigunt, quæ in conformatione jam determinatarum conveniunt, eas vero remonent, quæ in hisce partibus aliter sunt formatae, Hæc igitur ratione à generali divisione ad specialem descendunt.

Rajus, *Royen*, & *Haller* principem locum inter eos obtinent, qui naturalem secuti methodum, in eo collocarunt operam, ut naturales classes & ordines, è conjunctis, atque ad fructificationis partes dispositis plantarum generibus formatos, conjungerent. Cum omnes plantæ ad naturalis systematis classes & ordines referri non possent, prout ipse *Linnaeus* tantum fragmenta Methodi naturalis hucusque communicavit, hinc Botanici de condendis systematibus artificialibus cogitarunt, in quibus una, pluresque plantarum partes præcipuum divisionis objectum constituiebant, & omnes dein plantas ad ejusmodi classem, seu ordinem referebant, quarum partes determinatas istiusmodi divisioni convenire videbant; cumque plantarum partes diversimode determinari & dividi possint, hinc quoque varia nata sunt systemata artificialia, aliis ad diversam structuram *fructus*, aliis ad *florum* structuram, aliis denique ad alias plantæ partes in adornando systemate respicientibus. Genera quidem & species in Methodo artificiali plerique requirunt naturalia, teste *Linnaeo*, ordines vero & classes possunt esse arbitrariæ.

Præ-

Præcipua systemata artificialia tyroni scitu necessaria sunt *Tournefortii* & *Illustrissimi Linnæi*.

Tournefortius à corolla petalosa, & staminibus *classes* (quarum XXII. constituit) distinxit, ordines à fructu desumpsit. Nitidæ ejus figuræ tyro-
nem à principio multum adjuvant.

Ill. Linnæus cujus tanquam veri trium Regnorum Naturæ Scrutatoris Dies DEUS fecundet, in systemate suo artificiali è sexu plantarum desump-
to, vegetabilia in classes juxta stamina seu mares, & in ordines juxta pistilla, seu fæminas reduxit, classes habet XXIV figurarum loco singulas
plantæ partes tam accuratè significantissimis terminis definivit, ut novam
fere linguam ad eam rem excogitasse videatur.

Amborum Authorum systemata in propriis operibus erunt relegenda,
cum ea uti & multa alia hæc referre non permittant Dissertationis Limites.

COROLLARIA VARII ARGUMENTI.

- I. Antagonismus musculorum non ubivis requirit influxum liquidi alternum.
- II. Auditus augetur manu cavæ auriculæ applicata, imminuitur auriculâ
abscissâ, augetur ore aperto, imminuitur flanti, acute loquenti, ca-
nenti, cur homini aures duæ?
- III. Automatici motus in corpore humano existentia variis exemplis fa-
cile demonstratur.
- IV. Cur quorundam cantus suavis sermo vero asper?
- V. Quando incrementum corporis citum, cita sequitur mors.
- VI. Lactea vasa cito evanescunt, in strangulatis vero diu conspicua ma-
nent. An quædam animalia illis carent? & cur?
- VII. Cur Philosophus à mediatione lassus?
- VIII. In quosnam præcipue homines cadit longævitas?
- IX. Loquelam furdi edocti, & quomodo?
- X. Motus in variis corporis partibus post mortem superstes, & cur?
- XI. Oculus unum videt tantum objectum eodem tempore, quamvis multa
simul videre autemet.
- XII. Cur omentum plerumque non descendit infra umbilicum?
- XIII. Quibus in locis maxime sensilis est pulsus?
- XIV. Per nutritionis theoriam hucusque cognitam, explicabilis non est
casus puellæ 24 annos natæ, hic Coloniae in ptochotrophio decum-
bentis, hodie ioma Decembris 1774. per undecim menses, & viginti
duos dies, tum urinæ, tum alvi excretionem penitus destitutæ, nullo
cibo, paucissimo tantum potu viventis, pinguis tamen, & bene
coloratæ.

F I N I S.

Wit allem Recht frag' ich, Gelehrte: den das Wasser hat verschlungen,
Ist in dessen Lunge und Magen, auch das Wasser eingedrungen?
Wer im Wasser ist ersoffen, warum hört der zu leben auf?

Kann man demselben widergeben den gehemmten Lebenslauf?
Wie lange bleiben Leib und Seele, unter Wasser ohnzertrennt?
Ist es Christlich, nicht zu helfen dem Ertrunkenen ganz behend?
Welche Könige, welche Fürsten, haben Ihrem Volk befohlen,
Den Ertrunkenen aus dem Wasser, so bald es möglich war, zu hohlen?
Ihn zu streichen, reiben, schütteln, Luft in seine Lunge zu bringen,
Und zur Rettung eines Bürgers, sich mit Mühe vorzudringen?

(Hier kam ein altes Weib, mit Recht den Doctor machen,
Den sie nur allzuoft spielt in Gewissens-Sachen.)
Hat man jemand todt gewürgt, und ins Wasser hingeschmissen,
Kann der Richter auf des Arztes Untersuchung solches wissen?
Hochgeehrter Herr, und Freund! deine Streitschrift löst die Fragen
Sehr gelehrt, und bündig auf. Vielleicht wird sie noch manchem sagen,
Was die Lieb zum Nächsten fordert. Sie erhebt die Obrigkeiten,
Die um ihrer Bürger Rettung, sich durch Arzte lassen leiten.

Ferner giebt der Missethäter, dem der Strick den Hals zubindet,
Wie er stirbt, warum er stirbt, was sich in und aussen findet,
Deiner Schrift den anderen Stoff. Diesen Stoff scheinst du so gründlich
Durchdrungen, und durchsucht zu haben, daß du jeden fragen mündlich
Genug zu thuen fähig seyst. (Strick und Wasser sind verdächtig,
Eugend und Vorsichtigkeit machen beyde Feind ohnmächtig.)

Der dritte Stoff zu deiner Schrift, aus der Lehre ist gezogen,
Welche handelt von dem Menschen, wenn Hygeia ihn gewogen,
In diesem Fach durchforschest du, viele Werkzeug, die das Leben,
Undre, die die Sinnen, andre, die die Nahrung geben.
Dieß aber ist kein Wunder, du wiederholst anheute,
Was du hast vorgetragen, zum Nutzen junger Leute.

Nun wagst du dich ins Kräuter-Reich: was ein Ritter Herr von Linné,
Was ein Tournesort entdeckt, begreifst du im ächten Sinne.
Dir wünsch' ich, Du versprichst, durch dein Müh' und Tugend Leben,
Deines werthen Herrn Bruders, werthen Nachsatz abzugeben.

Also hat dem Herrn Vertheidiger dieser Streitschrift glückwünschen wollen

W. HEIS Med. Doct. opponens.

Ramus in terram demissus virescet.

Arbor post multos, nunc facta annosior annos,
 Vix mundo solitas fundere posset opes.
 Missus at in terram Decisus ab arbore Ramus
 Crevit, & , ô mirum! fertilis arbor adest.
 Quæ largos fructus Medicinæ fecit Alumnis
 Æstate elapsâ , prætereâque dabit.
 Tertius es ramus clarâ de stirpe recisus,
 Læta suis hortis te medicina videt.
 Pergito abundantes nobis effundere fructus,
 Sic nos optamus : vive, viresce, vale.

THOMAS FRANCISCUS CLOSSET
 Med. Cand. opponens.

